

3270


Bosna i Hercegovina  
 Federacija Bosne i Hercegovine  
**KANTON SARAJEVO**  
 Kantonalna uprava za inspekcijske  
 poslove



Босна и Херцеговина  
 Федерација Босне и Херцеговине  
**КАНТОН САРАЈЕВО**  
 Кантонална управа за инспекцијске  
 послове

Bosnia and Herzegovina  
 Federation of Bosnia and Herzegovina  
**CANTON SARAJEVO**  
 Cantonal Administration for Inspection Issues

Broj: 14-02-04-03760/20  
 Sarajevo, Septembar 08. 2020. godine



Bosna i Hercegovina  
 Federacija Bosne i Hercegovine  
**SKUPŠTINA KANTONA SARAJEVO**  
**SARAJEVO**  
 (Na pažnju, predsjedavajućeg, Mirze Čelika)

**Predmet: *Odgovor na zastupničko pitanje broj: 01-04-32187-23/20 od 25.08.2020. godine postavljenu od strane zastupnice Danijele Kristić - dostavlja se;***

Kantonalna uprava za inspekcijske poslove Kantona Sarajevo, dana 27.8.2020.godine zaprimila je zastupničko pitanje postavljeno od strane zastupnice Danijele Kristić na 28. Radnoj sjednici Skupštine Kantona Sarajevo, održanoj dana 20.08.2020.godine u okviru tačke Dnevnog reda "Poslanička /zastupnička pitanja, inicijative i odgovori, a u skladu sa Poslovníkom Skupštine Kantona Sarajevo koje glasi:

" U medijima su se pojavili navodi da je KJKP PARK mijenjao Statut preduzeća kako bi mogli biti uposleni Adnan Ćustović i Goran Mačkić iz razloga što navedena lica nisu ispunjavala dva uslova potrebna za pozicije izvršnih direktora KJKP PARK.

Prema navodima iz Statuta KJKP PARK brisane su odredbe o neophodnom iskustvu na rukovodećim pozicijama, a odredba u kojoj je naveden isključivo biotehnički fakultet je promjenjena na način da izvršni direktori mogu imati završen bilo koji fakultet (biotehničkog smjera, ekonomski ili pravni, društvene nauke ili fakultet tehničkog smjera).

Također je mijenjan Statut KJKP PARK zbog imenovanja Edina Abdurahmanovića na poziciju direktora KJKP PARK u kojem je jedan od uslova bio i da budući direktor mora da bude osoba koja je "*prošla odgovarajuće usavršavanje u skladu sa Uredbom o usavršavanju predsjednika i članova Nadzornih odbora i Uprava privrednih društava s učešćem državnog kapitala*" i zamijenjeno je sa dijelom " *se obavezati da će obaviti odgovarajuća*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

*usavršavanja*", jer direktor Abdurahmanović ne ispunjava uslov koji je bio u prethodnom Statutu.

Izmijenjena je i odredba koja određuje da direktor mora imati "*pet godina radnog iskustva u struci*" na način da su izbrisane riječi "*u struci*", što znači da direktor prema novom Statutu KJKP PARK može imati pet godina bilo kakvog radnog iskustva.

Napominjemo da je v.d.direktora KJKP PARK Edin Abdurahmanović bio vijećnik Općinskog vijeća Općine Centar sve do razrješenja u januaru 2020.godine što predstavlja sukob interesa.

Molim Kantonalnu upravu za inspekcijske poslove i Ured za borbu protiv korupcije KS da svako iz svoje nadležnosti poduzme predviđene zakonske radnje i utvrdi istinitost navoda, te poduzme potrebne radnje ukoliko se utvrdi istinitost istih."

U vezi sa postavljenim zastupničkim pitanjem, daje se sljedeći odgovor:

Inspektor rada u okviru svojih nadležnosti je dana 2.9.2020. godine izvršio inspekcijski nadzor u sjedištu KJKP "PARK" doo Sarajevo, te na osnovu predočene dokumentacije i izjave lica prisutnog inspekcijskom nadzoru utvrdio slijedeće:

Statut KJKP "PARK" doo Sarajevo je donesen na sedmoj sjednici Skupštine preduzeća koja je održana dana 30.11.2016. godine i isti je protokolisan pod brojem P-3592-1-1-A.

Članom 60. Statuta je propisano da "Za direktora može biti imenovano lice, koje pored opštih uslova, propisanih Zakonom ispunjava i slijedeće uslove:

- da ima završenu visoku stručnu spremu (VSS), ekonomski ili pravni fakultet, fakultet društvenog, tehničkog smjera ili biotehničkog smjera,
- da ima najmanje 5 (pet) godina radnog iskustva u struci i 3 (tri) godine na rukovodnim poslovima,
- da ponudi program rada i razvoja Preduzeća u mandatnom periodu,
- da ima stručna znanja iz oblasti Upravljanja preduzećima,
- da nije predsjednik i član Nadzornog odbora ili Upravnog odbora u privrednim društvima, ili institucijama ili fondovima agencijama ili komisijama,
- da je prošao odgovarajuće usavršavanje u skladu sa Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala,
- da ispunjava i druge uslove koji su zakonskim i podzakonskim aktima predviđeni kao obligatorni za direktore javnih preduzeća uključujući i javna komunalna prduzeća. (potrebne certifikate i dr.)"

Članom 61. Statuta je propisano da "Za izvršnog direktora za održavanje javnih zelenih površina može biti imenovano lice koje pored opštih uslova propisanih Zakonom ispunjava i slijedeće uslove:

- da ima završenu visoku stručnu spremu VSS fakultet biotehničkih nauka,
- da ima najmanje 5 (pet) godina radnog iskustva na rukovodnim poslovima u struci,
- da nije predsjednik i član Nadzornog odbora ili Upravnog odbora u privrednim društvima, ili institucijama ili fondovima agencijama ili komisijama,
- da je prošao odgovarajuće usavršavanje u skladu sa Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala."



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Članom 62. Statuta je propisano da "Za izvršnog direktora za proizvodnju i inženjering i kapitalne investicije može biti imenovano lice koje pored opštih uslova propisanih Zakonom ispunjava i slijedeće uslove:

- da ima završenu visoku stručnu spremu VSS fakultet biotehničkih nauka,
- da ima najmanje 5 (pet) godina radnog iskustva na rukovodnim poslovima u struci,
- da nije predsjednik i član Nadzornog odbora ili Upravnog odbora u privrednim društvima, ili institucijama ili fondovima agencijama ili komisijama,
- da je prošao odgovarajuće usavršavanje u skladu sa Uredbom o usavršavanju predsjednika i članova Nadzornih odbora i Uprava privrednih društava sa učešćem državnog kapitala."

Odlukom o izmjenama i dopunama Statuta KJKP "PARK "doo Sarajevo koja je donesena na 1. vanrednoj sjednici Skupštine KJKP "PARK" doo Sarajevo održanoj dana 9.9.2019. godine i protokolisana pod brojem broj P-2725-3/19 od 9.9.2019. godine, su izvršene izmjene člana 60. alineja 2. na način da se brišu riječi "u struci", te u istom članu u alineji 6. iza riječi "prošao" dodaju se riječi "ili se obavezao da će obaviti".

Nadalje je izvršena izmjena u članu 61. alineja 1. riječi "fakultet biotehničkih nauka " zamjenjuje se riječima "ekonomski ili pravni fakultet, fakultet društvenog, tehničkog ili biotehničkog smjera", a u istom članu u alineji 2. brišu se riječi "na rukovodnim poslovima u struci", te se u alineji 4. istog člana iza riječi "prošao" dodaju se riječi "ili se obavezao da će obaviti". U članu 62 alineja 1. riječi "fakultet biotehničkih nauka " zamjenjuje se riječima "ekonomski ili pravni fakultet, fakultet društvenog, tehničkog ili biotehničkog smjera", a u istom članu u alineji 2. brišu se riječi "na rukovodnim poslovima u struci", te se u alineji 4. istog člana iza riječi "prošao" dodaju se riječi "ili se obavezao da će obaviti".

Prema izjavi lica prisutnog inspeksijskom nadzoru citiramo: " U skladu sa Odlukom o vršenju ovlaštenja u privrednim društvima sa učešćem državnom kapitala iz nadležnosti Kantona Sarajevo i to članom 4. je propisano da je javno preduzeće obavezno Vladi KS odnosno resornom ministarstvu dostaviti poziv za Skupštinu sa dnevni redom i materijalima za svaku tačku dnevnog reda, i u skladu sa navedenim odredbama dana 3.9.2019. godine upućen je poziv Vladi KS i Ministarstvu komunalne privrede i infrastrukture KS za prvu vanrednu sjednicu Skupštine koja je zakazana za 9.9.2019. godine, na kojoj je bila i tačka dnevnog reda donošenje izmjena i dopuna Statuta KJKP PARK doo Sarajevo. Vlada Kantona Sarajevo je dana 5.9.2019. godine donijela zaključak kojim se prima na znanje informacija o sazivanju prve vanredne skupštine KJKP PARK doo Sarajevo. "

U prilog prednjih navoda je predložen Akt preduzeća-Poziv na 1.vanrednu sjednicu Skupštine KJKP „PARK” doo Sarajevo, protokolisan pod brojem P-2725/19 od 3.9.2019. godine, sa naznačenim dnevnim redom među kojim tačkama je i donošenje Odluke o izmjenama i dopunama Statuta KJKP „Park” doo Sarajevo, te naslovljen na Vladu KS i Ministarstvo komunalne privrede i infrastrukture Kantona Sarajevo. Isti akt je zaprimljen na protokolu Kantona Sarajevo dana 3.9.2019. godine. Zaključkom Vlade Kantona Sarajevo broj 02-05-32299-13/19 od 05.09.2019. godine je primljena na znanje informacija o sazivanju 1. vanredne sjednice Skupštine KJKP „Park” doo Sarajevo.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Nadalje prema izjavi lica prisutnog nadzoru citiramo: „Na prvoj vanrednoj sjednici Skupštine održane 9.9.2019. godine, a na kojoj su prisustvovali između ostalih i predstavnici punomoćnici Vlade KS i to Amir Đedović i Benjamin Čengić, dok treći član Dejan Radmilović nije prisustvovao sjednici iako je imenovani bio uredno obaviješten, te su jednoglasno donijeli odluku o izmjenama i dopunama Statuta KJKP PARK doo Sarajevo, a kojim izmjenama su mijenjane odredbe koje se odnose na pojedine uslove za izbor direktora i izvršnih direktora KJKP PARK doo Sarajevo. U skladu sa članom 4. stav 4. navedene Odluke smo bili u obavezi da u roku od tri dana obavijestimo o odlukama koje su donesene na sjednici i dana 11. 9.2019. godine smo obavijestili Vladu KS putem resornog ministarstva i donesenim odlukama.”

U prilog prednjih navoda je predočen Zapisnik 1. vanredne sjednice Skupštine KJKP „Park” doo Sarajevo održane dana 9.9.2019. godine protokolisan pod brojem P-2725-1/19 od 9.9.2019. godine u kojem zapisniku je navedeno da pored ostalih lica su prisustvovali i Amir Đedović i Benjamin Čengić, u svojstvu punomoćnika Vlade KS, a tačka dnevnog reda koja se odnosila na izmjene i dopune Statuta KJKP „Park” doo Sarajevo usvojena je jednoglasno. Također je predočen akt preduzeća -Obavještenje o sjednici Skupštine KJKP „Park” doo Sarajevo naslovljen na Vladu KS i Ministarstvo komunalne privrede i infrastrukture KS, protokolisan pod brojem P-2725-7/19 od 10.9.2019. godine. Isti akt je zaprimljen na protokulu Kantona Sarajevo dana 11.9.2019. godine. U obavijesti je navedeno da su usvojeni između ostalih odluka i Odluka o izmjenama i dopunama Statuta KJKP „PARK” doo Sarajevo , broj P-2725-3/19 od 9.9.2019. godine i da iste čine prilog navedene obavijesti, koje se daju na dalje postupanje u skladu sa članom 4. stav 5. Odluke.

Prema izjavi lica prisutnog inspekcijском nadzoru citiramo: „Resorno ministarstvo shodno članu 4. stav 5 navedene Odluke dužno je izvršiti procjenu donesih odluka, te ukoliko utvrdi da su iste na štetu javnog preduzeća ili su donesene suprotno obavezujućim uputama Vlade KS predložiti Vladi Kantona da donese odluku o suspenziji takvih odluka, a što u konkretnom slučaju nije učinjeno i resorno ministarstvo nije imalo primjedbi na donesene odluke, među kojim i odluka koja se odnosila na izmjene i dopune Statuta KJKP PARK doo Sarajevo.”

Shodno naprijed navedenom, postupajući inspektor rada u okviru svoje nadležnosti nije imao osnova za poduzimanje mjera i radnji prema subjektu nadzora.

S poštovanjem,

**Dostaviti:**

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva

**DIREKTOR**  
Fahir Halilović



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb